

## 10 il Diari

### Events

#### Udin al memoree Tarcisio Petracco

Il non dal professôr iscrit  
jenfri i benemerits li dal  
cimitieri monumentâl

Udin al onore un dai siei  
citadins plui inomenâts, un om  
che si è batût cun dutis lis sôs  
fuarcis par che il Friûl al ves une  
sô universitât. Vinars ai 19 di  
Novembar intal cimitieri  
monumentâl di Sant Vît, e je  
stade la cerimonie di iscrizion di  
Tarcisio Petracco, insegnant e



furlan  
partesan  
muart intal  
1997, intal  
famedî  
dedicât ai  
benemerits.

Sot des  
iscrizions za  
esistentis,

duncje, par visanti la memorie,  
viodûts i grancj merits  
cognossûts pardut inte lote pe  
istituzion dal ateneu furlan, e  
comparis la scrite "Tarcisio  
Petracco - Professôr - 1910-  
1997". La aministrazion comunâl  
e à cussî dât bon fin ae domande  
dal Comitât pe Universitât  
Furlane, fondât propit di  
Petracco, par promovî la  
creazion dal ateneu udinês.